



REPUBLIKA E SHQIPËRISË

UNIVERSITETI "ISMAIL QEMALI" VLORE  
SENATI AKADEMIK

UNIVERSITETI "ISMAIL QEMALI"  
VLORE  
ZYRA PROTOKOLL-ARKIVËS  
Nr. 82/21 Prot.  
Datë: 14.01.2020

Nr. \_\_\_\_\_ Prot.

Vlorë, më 09.01.2020

**VENDIM**

**Nr. 21, datë 9.01.2020**

**PËR  
MIRATIMIN E RREGULLORES SË PROGRAMIT TË STUDIMIT TË CIKLIT TË PARË  
"BACHELOR NË GJUHË SHQIPE DHE LETËRSI"**

Mbështetur në shkronjën **d** të pikës **1** në nenin **38** në ligjin Nr. 80/2015 "Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë", shkronjën **dh** të pikës **1** në nenin **19** në Statutin e UV-së, Senati Akademik në mbledhjen e datës 9.01.2020

**VENDOSI:**


1. Të miratojë rregulloren e programit të studimit të ciklit të parë "Bachelor në gjuhë shqipe dhe letërsi" (bashkëlidhur).

Ky vendim hyn në fuqi menjëherë.

**KRYETARI I SENATIT AKADEMIK**

**Prof. Dr. Roland ZISI**





REPUBLIKA E SHQIPËRISË

**UNIVERSITETI "ISMAIL QEMALI" VLORE  
SENATI AKADEMIK**

**RREGULLORE E FUNKSIONIMIT DHE E PRANIMIT TË KANDIDATËVE NË  
PROGRAMIN E STUDIMIT "BACHELOR NË GJUHË SHQIPE DHE LETËRSI"**

**I. Dispozita të përgjithshme**

**Neni 1**

Programi i studimit "Bachelor në gjuhë shqipe dhe letërsi" ofrohet nga Departamenti i Gjuhë-Letërsisë, Fakulteti i Shkencave Humane, në koordinim të veprimtarive formuese, edhe me njësitë e tjera të këtij fakulteti dhe të Fakultetit të Shkencave Teknike. Ky program studimi është program i ciklit të parë, "Bachelor", i cili ofrohet në tre vite akademik, në përfundim të të cilit studenti grumbullon 180 kredite (ECTs) dhe merr diplomën universitare: "Bachelor në gjuhë shqipe dhe letërsi". Përveç njësive bazë dhe kryesore, programi do të realizohet edhe me mbështetjen e entiteteve shtetërore dhe private që kanë nevojë për personel administrativ të kualifikuar dhe të pajisur me shprehinë përkatëse.

**Neni 2**

Programi i studimit "Bachelor në gjuhë shqipe dhe letërsi", ka për qëllim dhënien e njohurive të reja, për t'i pajisur studentët me njohuritë e nevojshme specifike për plotësimin e nevojave të tregut të punës, në fushën e shkencave të gjuhësisë e të letërsisë.

**Neni 3**

Programi i studimit "Bachelor në gjuhë shqipe dhe letërsi" zhvillohet në ambientet e Fakultetit të Shkencave Humane të UV.

**II. Pranimi kandidatëve**

**Neni 4**

Programi i studimit "Bachelor në gjuhë shqipe dhe letërsi" realizohet në përputhje të plotë me rregulloren e brendshme të Fakultetit të Shkencave Humane, UV dhe drejtohet nga Departamenti i Gjuhës shqipe dhe Letërsisë si njësi bazë e këtij fakulteti.

**Neni 5**

Pranimi i kandidatëve të rinj në programin e studimit "Bachelor në gjuhë shqipe dhe letërsi", zhvillohet sipas kriterëve të miratuara nga departamenti, në përputhje me aktet nënligjore të miratuara nga ministria përgjegjëse për arsimin e lartë në Republikën e Shqipërisë.

**Neni 6**

Regjistrimet e studentëve fitues, të shpallur nga IAL-të për këtë program studimi kryhen nëpërmjet Sekretarisë Mësimore të Departamentit të Gjuhë- Letërsisë, në Fakultetin e Shkencave Humane (FSHH) dhe pasqyrohen në portalin e aplikimit universitar U-Albania <https://ualbania.al>



REPUBLIKA E SHQIPËRISË

## UNIVERSITETI "ISMAIL QEMALI" VLORE SENATI AKADEMIK

### Neni 7

Tarifa e regjistrimit të kandidatëve është sipas kuadrit ligjor në fuqi dhe sipas rregulloreve të miratuara nga FSHH dhe UV.

### Neni 8

Në programin e studimit "Bachelor në gjuhë shqipe dhe letërsi" kanë të drejtë të transferohen shtetas shqiptarë ose të huaj sipas kuadrit ligjor në fuqi dhe sipas rregullave të përcaktuara në statutin e UV-së, rregulloren mësimore të UV-së dhe rregulloren e brendshme të FSHH.

## III. Organizimi i studimeve

### Neni 9

Programi i studimit "Bachelor në gjuhë shqipe dhe letërsi" përfundon me marrjen e diplomës përkatëse "Bachelor në gjuhë shqipe dhe letërsi". Sasia e krediteve të grumbulluara nga studenti është 180 kredite ECTS. Diploma që lëshohet në përfundim të programit të studimit shoqërohet me suplementin e diplomës.

### Neni 10

Programi i studimit "Bachelor në gjuhë shqipe dhe letërsi" zhvillohet me kohë të plotë. Zgjat tre vite akademike. Vitet akademike janë të ndarë në dy semestra dhe lëndët zhvillohen sipas planit mësimor përkatës. Në semestrin e dytë të vitit të tretë zhvillohet dhe provimi i diplomës ose mbrojtja e diplomës.

### Neni 11

Gjuha në të cilën zhvillohet programi i studimit "Bachelor në gjuhë shqipe dhe letërsi" është gjuha shqipe.

### Neni 12

Afati i studimeve për çdo cikël studimesh është i përcaktuar në ligjin **Nr. 80/2015**, datë 22.07.2015, **"Për arsimin e lartë dhe kërkimin shkencor në institucionet e arsimit të lartë në Republikën e Shqipërisë"**. Studenti mund të përfundojë studimet e plota, brenda afatit të rregullt të studimeve ose tej kufirit që parashikon ky afat, por duke iu nënshtruar detyrimeve që lindin nga kohëzgjatja e studimeve përtej kohës normale.

### Neni 13

Leksionet do të zhvillohen në përputhje me orarin mësimor të aprovuar nga Dekani i FSHH. Orari shpallet përpara fillimit të semestrit në websitin e universitetit dhe ambientet e fakultetit. Orari është i detajuar dhe përcakton auditorin, kohën dhe ditët e zhvillimit të mësimit, pedagogët mësimdhënës. Orari mësimor ndërtohet mbi bazën e harmonizimit të elementëve të mësimit dhe të shpërndarjes racionale të ngarkesës së studentit. Kjo ngarkesë luhet nga 20-25 orë në javë. Kohëzgjatja e seancave mësimore është 50 minuta, sipas udhëzimit Nr. 29.datë 10.09.2018.

### Neni 14

Kontrolli i dijes së një lënde (provimi) përcaktohet nga titullari i lëndës dhe mund të bëhet, me shkrim, me gojë ose i kombinuar me shkrim e me gojë, duke u mbështetur në programin mësimor.



REPUBLIKA E SHQIPËRISË

## UNIVERSITETI "ISMAIL QEMALI" VLORË SENATI AKADEMIK

Sipas rregullores së UV, kontrolli i dijeve në ciklin e parë të studimeve realizohet përgjatë semestrit nëpërmjet një provimi të pjesshëm, një provimi final gjithëpërfshirës si dhe formave të tjera të vlerësimit nëse janë parashikuar në syllabus-in e lëndës. Për semestrin e verës dhe sezonin e riprovimeve të dimrit kontrolli i dijeve realizohet vetëm nëpërmjet një provimi final.

Rregulla apo specifika të provimeve, pesha (përqindja) e secilit provim apo detyrë në vlerësimin përfundimtar, literatura, temat ose pjesët e programit të lëndës për çdo provim, dita apo java e provimit, ora dhe salla e zhvillimit, referencat e konvertimit të pikëve në notë etj., përcaktohen në syllabus-in e lëndës të hartuar nga pedagogu dhe u bëhet i ditur studentëve që ndjekin atë kurs.

Pesha (përqindja) e provimit të pjesshëm, të jetë nga 25-30% e vlerësimit të përgjithshëm dhe zhvillohet jo më larg se java e shtatë, ndërsa 10-15% e vlerësimit të përgjithshëm, mund të bazohet në detyrat e kursit, projektet individuale, apo forma të tjera të vlerësimeve gjatë vitit, të gjitha së bashku.

### Neni 15

Studenti ka të drejtë të ankohet për rezultatin përfundimtar të provimit. Ankesa i paraqitet me shkrim Përgjegjësit të Departamentit brenda 48 orëve nga marrja në dijeni e rezultatit të provimit, i cili bën verifikimet e duhura dhe kur e gjen të pamundur zgjidhjen e ankesës, vë menjëherë në dijeni dekanin.

### Neni 16

Studenti ka të drejtë të përmirësojë notën në çdo lëndë, por jo më shumë se katër përmirësime gjatë gjithë periudhës së studimeve, dhe jo më shumë se dy përmirësime në një vit akademik. Përmirësimet e notës bëhen vetëm në semestrin e verës, sezonin e riprovimeve të dimrit si dhe në datat e përcaktura nga dekani i fakultetit para mbrojtjes së diplomës, kundrejt një tarife të miratuar. Është detyrë e tij të regjistrohet në kurset që do të përmirësojë notën, pasi më parë ka bërë kërkesën në sekretarinë e departamentit. Studenti ka të drejtë të kërkojë përmirësimin e notës së një lënde jo më shumë se një herë.

### Neni 17

Masa e frekuentimit të leksioneve, seminareve dhe praktikave në terren përcaktohet në rregulloren e UV-së, si dhe në rregulloren e brendshme të FSHH. Frekuentimi i orëve mësimore është i detyrueshëm deri në masën 75%. Numri i mungesave të lejuara përlllogaritet për gjithë semestrin përkundrejt numrit total të orëve për gjithë kursin dhe jo në bazë të orëve që i takojnë provimeve të pjesshme. Çdo pedagog pajiset me regjistrin përkatës i cili përmban informacion mbi veprimtarinë e mësimdhënies dhe frekuentimit. Pedagogu përgjigjet drejtpërdrejt për saktësinë e informacionit mbi frekuentimin. Nëse studenti mungon gjatë zhvillimit të kursit dhe tejkalon numrin total të mungesave të lejuara për gjithë semestrin, atëherë studenti skualifikohet për shkak të mungesave, nuk futet në provimin e radhës, në procesverbalin e vlerësimit shënohet mungesë (m) dhe përsërit kursin në semestrin e ardhshëm kur kursi ofrohet. Shënimi mungesë (m) do të do të pasqyrohet në procesverbalet përfundimtare nëse studenti ka plotësuar mungesat totale. Nëse studenti ka frekuentuar kursin, por nuk paraqitet në provimin e radhës, në procesverbalin e vlerësimit shënohet "Nuk u paraqit". Nëse studenti nuk ka detyrime frekuentimi, por nuk është paraqitur në asnjë prej provimeve të pjesshme duke përfshirë dhe provimin final, në procesverbalin përfundimtar të vlerësimit do të bëhet shënimi "NP" (Nuk u paraqit), në të kundërt do të bëhet vlerësimi me notën përkatëse. Studentët e të gjithë cikleve nuk mund të regjistrohen në këto lëndë për të ndjekur kursin si përsëritës, por kanë të drejtën të shlyejnë lëndën vetëm me provim, sipas përcaktimeve në këtë rregullore.



REPUBLIKA E SHQIPËRISË

**UNIVERSITETI "ISMAIL QEMALI" VLORË  
SENATI AKADEMIK**

**Neni 18**

Studentët kanë të detyrueshme kryerjen e praktikës në terren, në semestrin e dytë të vitit të parë. Praktika në terren realizohet pranë shkollave të qytetit ku kanë zhvilluar universitetin ose në shkollat e rretheve përkatëse prej nga vijnë. Praktika do të kryhet nën mbikëqyrjen e pedagogut të lëndës. Me fillimin e semestrit, pedagogu udhëheqës u komunikon studentëve kohën e kryerjes, programin, mënyrën e zhvillimit dhe shlyerjes së saj. Studenti detyrohet të respektojë rregullat e institucionit ku kryen këtë proces.

**Neni 19**

Në përfundim të programit të studimeve, për fitimin e diplomës studenti merr pjesë në provimin e diplomimit, ose parashikohet përgatitja e një teze diplome ose punimi të pavarur në rast kur mesatarja e lëndëve është mbi 9.0. Drejtuesit e temave të diplomës miratohen nga departamenti sipas kriterëve të percaktuara në aktet nënligjore. Mbrojtja e diplomës bëhet e hapur. Procedura e mbrojtjes përfshin një paraqitje të pëmbledhjes së punimit të diplomës, pyetje dhe përgjigje. Punimet e diplomës duhet të përmbushin kërkesat e mëposhtme:

- Të jenë studime individuale,
- Të jenë studime deskriptive apo analitike.
- Me udhëheqje shkencore apo krejtësisht të pavarura,

Të ndjekin rregullat e shpallura nga DGJL për paraqitjen e punimit, bazuar në shtojcat në Vendimin e Senatit Akademik Nr. 65, datë 14.11.2016. Në përfundim juria bazuar në vlerësimin e udhëhëqësit dhe punimin e studentit, bën vlerësimin me notë.

**Neni 20**

Rezultatet e frekuentimit, provimeve përfundimare të moduleve dhe të provimit ose mbrojtjes së diplomës regjistrohen në Sekretarinë Mësimore të Departamentit të Gjuhë- Letërsisë dhe Sekretarinë Mësimore të FSHH.

**Neni 21**

Në përfundim të programit të studimit, studenti pajiset me diplomë "Bachelor në gjuhë shqipe dhe letërsi" të firmosur nga Dekani i FSHH dhe nga Rektori i UV, dhe suplementin e diplomës.

**Neni 22**

BACHELOR në gjuhë shqipe dhe letërsi", përpara se të lëshohen nga Universiteti "Ismail Qemali", duhet të regjistrohen në regjistrin shtetëror të Diplomave dhe Certifikatave për arsimin e lartë dhe kërkimin shkencor, që mbahet në MASH, në bazë të Nenit 31 të Ligjit për Arsimin e Lartë.

**Neni 23**

Struktura Akademike Përgjegjëse për organizimin dhe menaxhimin administrativ e financiar të programit të studimit është FSHH dhe Departamenti i Gjuhë- Letërsisë.



Adresa /Adress: L. Pavarësia,  
Bulevardi Vlorë-Skele



Web-site: [www.univlori.edu.al](http://www.univlori.edu.al)  
e-mail: [info@univlori.edu.al](mailto:info@univlori.edu.al)